

LE
CHARIOT
TRIOMPHANT
DV ROY,

A SON RETOUR
DE LA ROCHELLE
dans sa Ville de Paris.



A P A R I S,
Chez I E A N G V I L L E M O T,
demeurant rue Saint Jean de
Beauuais, à l'enfeigne
de l'Eschiquier.

M. D C. XXVIII.
AVEC PERMISSION.

JOHN

TRAVELER

JOHN

JOHN

JOHN

JOHN

JOHN

JOHN

JOHN

JOHN

JOHN

JOHN


JOHN

JOHN

JOHN

JOHN

JOHN



L E

CHARIOT TRIVMPHANT
du Roy, au retour de la Rochelle.



ORS que ie considere attentiuement la durée des Empires de l'Vniuers, ie trouue que n'y ceux des Assyriens, des Perses, & des Troyés en Asie; n'y ceux des Egyptiens, des Turcs, & des Ætiopiens en Affrique; n'y ceux des Atheniés, des Medes, & des Lacedemoniés en Europe, n'y aussi ceux qui ont trouué leur naissance dans les cédres de celuy des Romains, n'ont estendu leur gloire par tant de siecles que celuy de la France: honneur lequel apres le particulier soing que le Ciel a tousiours tesmoigné auoir pour vn Royaume si fidele, doit ce me semble estre attribué à la façon de gouverner, laquelle mesurant la seuerité de la puissance à la douceur de la iustice, contrainct amiablement le peuple d'aymer ses Roys comme Iustes, & les craindre comme puissans; c'est à ceste fin que leurs Maiestez pour conseruer l'autorité qu'elles ont acquis en leur naissance se seruēt de deux Septres; l'un desquels est appellé le Septre de Iustice, & l'autre de Puissance. Celuy de la Iustice burine les Loix sur le marbre de l'eternité, prescript le Droict, & pour prononcer les Or-

donnances fait seoir au milieu de Paris dans le tribunal d'equité, ceste tres-sainte Assemblée de venerables vieillards, la meilleure partie du peuple François, le fondement de l'Estat, & la fidele tutrice de nos sacrées Majestez. Le Septre de puissance renga les armées, preside aux combats, renuerse les remparts, donne la frayeur & l'espouuante aux seditieuses & rebelles volontez, quand la Clemence se voyant mesprisée a vne fois changé sa douceur en vn iuste desir de vengeance. C'est ce qu'Alcibiades Prince de la Grece vouloit denoter par l'image d'un Cupidon porte-foudre qu'il auoit fait peindre sur son escu, donnant à entendre par la peinture de cet enfant miracle de beauté, qu'il n'y à rien de si doux & de si profitable que les Roys, lors que le peuple se contient dans le deuoir qu'il doit à son Prince, & par le foudre qu'il portoit à la main, il desiroit monstre que lors qu'on vient à mespriser ceste tant aymable douceur des Roys, il n'y à rien de plus terrible & de plus espouuentable que leur iuste colere accompagnée de puissance.

Il y a long-temps que l'Empire François gemissant sous la tyrannie de rebellion, estoit sur le point de perdre son ancien lustre par le mespris que les Rochelois faisoient de ces deux boulevards de l'Estat. Ceste ville que l'art & la nature auoient pris en leur sauue-garde, les asseuroit contre la puissance de tant de Roys, & de tant de florissantes armées, que se croyans desia hors du Domaine du Septre de puissance, ils s'estoient soustraicts de la subiection de celuy de Iustice au

mespris duquel ils rauageoient les plaines, & vol-
loient les Marchands, ruynoient nos sainctes
Eglises, assiegeoient les villes, & bien souuent les
emportoient de force; En vn mot ils mesprisoient
les Ordonnances Royales, & faisoient gloire de
n'en point receuoir, & pour comble de leur ma-
lice, n'auoient-ils pas entrepris de mettre en prôye
le Royaume de France à ses plus anciës, & cruels
ennemis, si la Diuine vertu de nostre Prince, le
grand courage de ses Capitaines, & l'incompara-
ble preuoyance du grand Cardinal de Richelieu
n'y eussent pourueu de bonne heure.

Les Sithes reuenans de l'Asie apres vne longue
guerre trouuerent leurs seruiteurs en armes pour
les empescher de r'entrer en leur chere patrie; &
apres plusieurs escarmouches, voyans que l'eu-
nement de leurs combats estoit entre les mains
de la Fortune qui se plaisoit de rendre la victoire
douteuse, ils eurent en fin recours à l'oracle pour
apprendre de luy ce qu'ils auoient à faire, afin de
venir à bout de ces mutins. Le Demon qui don-
noit les responces, leur fit commandement de
changer d'armes, & se seruir de foyets seulement;
ce qu'ayant fait, ils se rendirent maistres comme
auparauant de ces Esclaues reuoltez. Ainsi nostre
valeur Alcide ne s'est pas seruy des armes or-
dinaïres contre les Rebelles; mais c'est contenté
de les clorre si estroittement dans l'enceinte de
leurs murailles, que n'ayans rien d'ouuert que le
vuide de l'air pour receuoir les foudres & les car-
reaux iustement deubs à vne temeraire rebellion,
à la fin, comme des chiens affamez, ils ont esté

contraincts de reuenir à leur maistre. Et pour cela il ne faut point estimer moindre la gloire du vainqueur, que s'il auoit emporté la ville par vne glorieuse breche, d'autant que la difficulté de clorre la Rochelle de toutes parts, augmente plus sa renommée que la conqueste d'un Royaume, veu que pour ce faire, il a fallu qu'il ait fait paroistre sa puissance sur le Theatre de la nature mesme, que sa constance ait arresté l'iuconstance des ondes, & vaincu trois mondes de vaisseaux que l'Angleterre auoit depechez au seruice des Rebelles, les contraignans de se retirer de la France sans en rien emporter que la honte d'y estre venus, & la diminution de leur nombre.

Et veritablement c'estoit cé que tous les bons François attendoient avec impatience, afin de voir cest ancien & florissant Empire si long-temps diuisé comme en deux membres par la temerité des Rebelles, enfin reüny en vne seule Monarchie dignement gouuernée par l'Auguste & toujours triumpphant Louys; lequel ainsi qu'un autre Hercule en peu d'années, a si valeureusement deffait tant de monstres de rebellion, parcouru tant de Prouinces, & recouuert tant de villes, que l'art & la nature à l'enuy auoient renduës trop puissantes pour estre prises, qu'il faut aduoüer que Mars & la Fortune se sont ioints à Minerve pour donner à ce Prince la sagesse de gouuerner, la force de combattre, & le bon-heur de vaincre; en telle façon qu'il est à craindre que si ceux qui viédront apres nous n'estoient pas mieux instruits en la cognoissance de la vraye Diuinité que nos peres, le rap-

port de tant de merueilles leur donneroit subiect d'Idolatrie, aussi bien que la veüe nous en laisse l'estonnement & la resiouyffance ; Et vrayement il estoit bien raisonnable que la gloire du triumphe portast autant de ioye aux vainqueurs que le trauail d'une peneuse guerre, & la fureur des alarmes leur auoit causé de douleurs ; Et que comme l'arbitre du iour à son remonter sur nostre Emisphere chassant les noires horreurs de la nuit resjouyt nos esprits, & esueille nos sens pour nous faire voir les merueilles de l'Vniuers par le moyé de sa lumiere fille aînée de la Diuinité. De mesme il falloit que Louys pere de nos iours pacifiques, ayant dissipé les espais broüillards de rebellion parut sur l'horison de Paris clair & lumineux ainsi qu'un Soleil de Iustice ; afin de recreer tout le peuple subiect à son Empire de ses benignes influéces, & du doux aspect de sa lumiere ; si ce n'est que par aduenture il y eust encore quelques Mineides dans les tenebres de Calvin, qui ne pouuans supporter l'esclat de si grandes victoires se rendissent ennemies du iour pour ne voir nostre Auguste sur le Char de la gloire couuert de Lauriers & de Palmes.

Je ne sçay si l'artisan est à blasmer ou à plaindre, qui estant sur le point d'enfanter par les mains quelque Diuin ouurage, conçu dans son esprit, trouue que le dessein qu'il en a fait est si releué, que toute la nature ne luy peut fournir de matiere assez digne pour estre le subiet de ses ingenieuses inuentions. Je sçay bien pourtât que me voyât reduict en ceste extremité, on doit plustost regretter

ter mon sort, qu'accuser la grandeur de ma peine;
 sée; car me proposant de faire vn Char digne de
 celuy qui triumphe; ie crains qu'on m'appelle tem-
 eraire d'auoir ozé toucher vn affaire si difficile;
 ou pour le moins imprudent d'auoir entrepris vn
 ouurage sans sçauoir qui m'enourniroit la matie-
 re; veu que considerant les exploicts d'armes de
 nostre valeureux Alcide, i'en trouue le commen-
 cement si difficile, l'aduacement si laborieux, & la
 fin si glorieuse que ie penserois auoir grand tort si
 au iour de son Triumphe, ie luy faisois vn Cha-
 rior de bois, comme ceux des Romains, veu qu'il
 seroit sujet à pourriture; Non de christal comme
 celuy de Neptune, il se pourroit casser; D'argent
 ainsi que celuy de Lucumon, il sederoit aux mar-
 teaux & aux flames, non d'or à la façon de Tamer-
 lam, le feu le pourroit fondre, non de fer comme
 celuy d'Amphiaras, il seroit en danger d'estre
 roüillé, n'y aussi d'une espoisse nuée comme celuy
 de Salmonée: puis que les rayons de l'astre qui
 donne le iour le pourroient resoudre: ces choses
 estât trop communes pour soustenir celuy qui n'a
 point de semblable en terre, & trop subiectes aux
 inuiolables Loix du destin, qui preside sur les cho-
 ses de ce monde avec vne telle iniustice, qu'il
 semble que le naistre soit vn crime qui merite la
 mort pour estre matiere d'un Chariot, qui ne res-
 sentant rien de mortel doit mesurer sa durée à cel-
 le de l'eternité. C'est pourquoy il faut que la gloi-
 re s'alonge pour estre le Timon, la renommée se
 renforce pour seruir d'essieu, la pompe se courue
 pour faire le tour des rouës, & que les trophées se
 dressent

dressent en pointe pour en estre les rayons, le moyeu qui leur seruira de base, sera la force : Et afin d'acheuer nostre œuvre, les victoires, l'honneur, & les loüanges composeront le siege, sur lequel nous verrôs paroistre nostre Auguste Louïs à l'ombre de ses Lauriers.

Ce tant excellent Chariot, puis que different en la matiere qui le compose de ceux que l'Antiquité c'est formée pour vieillir avec elle, le doit aussi estre en son attelage, lequel afin de tousiours seruir, doit estre hors de la puissance du temps: Et pour ce il ne sera point conduict par quatre chevaux blancs comme celuy de Camille, par des fiers Lyons comme celuy d'Antoine, ny par des Serfs craintifs ainsi que celuy d'Aurelian: veu que les chevaux sont trop temeraires pour vne si prudente ieunesse, les Lyons trop arrogans pour vne Majesté si humble, & les Serfs trop peureux pour vn courage si constant. A tort aussi soumettrions nous au iouc de ce Char triomphant des cruelles Pantheres, ainsi que le Dieu qui se repaist plus volontiers de l'ambroisie que la grace luy donne que du nectar de Ganymede, ou bien des femmes prisonnieres comme Heliogabale ou des superbes Paons à la façon de Iunon : puisque la cruauté des Pantheres n'a rien de commun avec vne puissance si douce, n'y l'impudique humeur des femmes, avec vne virilité si chaste ny le superbe naturel des paons avec vne si modeste grandeur. Nous n'employerons point aussi à cest vsage des monstres marins comme Pelops, ou vn Lyon & vn Sanglier liez par ensemble à la mode d'Ametus, ou des Ci-

gues, comme la Deesse qui preside aux beautez, ou enfin des Aigles comme Jupiter : car il ne faut employer l'insolence des monstres au seruice d'un Prince si clement, n'y l'incommodité d'un Lyon & d'un Sanglier pour un Roy si commode à son peuple, & bien qu'on peult receuoir les Cines à cause de leur candeur, si ne le feront-ils pourtant à cause que leur mollesse ne peut estre d'accord avec ce courage indomptable. Et quand bien les Aigles seroient conuenables veu qu'avec les Lys elles font les Roys accomplis: si feront-elles neantmoins reiectées pour leur rapacité, puis qu'il porte le nom de Iuste.

Quels Courciers doncques attelerons-nous à un si noble Char, puis que l'antiquité n'en a d'assez puissant pour un office si Diuin, & que la France n'en peut trouuer en terre dignes d'estre conduicts par ces valeureuses mains qui ne sont que pour vaincre, & pour porter des Septres & des Palmes : Car c'est vous mesme (Inuincible Louys) qui tiendrez les rescnes, & serez le Conducteur de ce Char, vous en serez le seul Cocher, & le seul Antomedon: il renuerseroit tous les Phaetons ne pouuant supporter que son unique Phœbus : vous serez doncques conduict par vos villes que la furieuse temerité des mutins auoit osé rauer à vostre Empire par quatre Deesses aussi vertueuses qu'elles sont immortelles. La premiere, c'est la prudence laquelle met l'esuenement de vos entreprises en vostre pouuoir aussi bien que leur commencement, & vous doie d'une si grande sagesse que si vous n'estes tout à fait exempt de la rigueur du de-

stin & du hazard des hommes, vous l'estes pour le moins de leurs erreurs : car bien que quelquefois les choses ne soient arriuées comme vous eussiez bien désiré, si est-ce pourtant qu'elles ont toujours reüssi comme vous auiez pensé : puis que comme les Dieux vous voyez de loing les choses aduenir, comme les hommes les presentes, & ainsi que les Sages celles qui sont sur le poinct d'arriner. Cognoissance qui vous fait digerer les Conseils, & sainement choisir les plus vtiles pour asseurer vostre Estat & soulager le peuple qui respire sous l'autorité de vostre Septre. La magnanimité tient le second rang, & ainsi qu'une braue Amaxone porte vostre courage, ou mesme le Soleil semble trembler de crainte, faisant paroistre la vertu qui l'anime au milieu des dangers, où la peur va triomphant de la constance des plus genereux, là où avec une hardiesse du tout admirable, vous sçavez jeter l'espouuante au cœur des plus asseurez, faisant esperer à vos fideles seruiteurs de voir un iour florir les Lys par tout l'vniuers à l'ombre de vos Palmes.

La troisieme, c'est la Fortune non plus changeante & vagabonde pour visiter de ses faueurs les terres estrangeres, se promenant sur le vent de ses plumes : mais bien constante & arrestée pour iamais, d'autant que vostre courage & vostre preuoyance luy ont rauy ses ailles, & le globe qui la rendoit tousiours incertaine sur ses pas, & la faisant prisonniere de vos vertus vous l'avez contraincte de vous fauoriser plus que Timoleon, auquel elle liuroit les villes, mesme quand il dor-

moit, que le Roy Charles huitiesme qui en moins d'une année se rendit maistre presque de toute l'Italie, & que le valeureux Henry II. qui resista non seulement d'un Marcial courage aux forces de trois puissans Monarques, mais les repoussa si heureusement que le fruit de leurs entreprises fut la honte de l'avoir attaqué: veu que vostre felicité n'est point dormante & paresseuse comme celle de Timoleon: vos armes ont trouvé plus de resistance que celles du Roy Charles huitiesme: & vous avez heureusement vaincu des ennemis domestiques plus dangereux que les Estrangers: Car qui est l'ennemy plus pernicieux & plus puissant pour travailler à la ruine d'un Empire que celui qui cognoist le courage, la force, & le nombre des Soldats du party contraire, qui sçait l'ordre qui se garde entr'eux, & qui descouvre les conseils, & les ruses qu'on fait pour le surprendre? qui est plus prompt que celui qui estant bien instruit de l'opportunité des chemins, des bois, & des montagnes, sçait choisir un lieu propre pour camper son armée, dresser ses embusches, prendre l'occasion à son advantage, donner sur l'ennemy quand il est necessaire, & se retire quand il le juge à propos, qui plus fort & plus rusé que celui qui est desja saisi de villes bien munies, & qui peut avoir appris les places qui sont fortes, & celles qui ne le sont point, afin de les surprendre, qui plus meschant & plus cruel que celui qui a violé les Loix, rompu les Statuts, mesprisé les Ordonnances, & qui ne crains d'irriter le Ciel par son impiété, les Magistrats par son irreuerence, & la Cle.

mence de son Roy par sa rebellion, qui enfin plus audacieux que celuy qui jette les fondemens de son courage dans les ruynes de l'esperance qui r'alume ses forces au feu preparé pour chastier sa temerité, & qui ne pouuant fuir se r'asseure sur ses armes resolu de mourir ou vaincre, avec ceste seule consolation parmy les horreurs de sa rage de ne mourir sans estre vengé. Et toutesfois l'inuincible Louys, ees ennemis si puissans, si audacieux, & si temeraires ont esté terrassez en peu de temps par vostre force nompareille, & felicité singuliere.

La derniere Deesse employée à la conduite de vostre Triumphe, & qui vous approche de plus pres, c'est la Clemence premier doüaire des Roys & fidele gardienne de leur autorité, laquelle faisant briller plus de vertus en vostre Triumphe que vous n'avez surmonté de criminelles volonte, dérobe ce semble à vostre Majesté la cognoissance des iniures receuës pour ne luy laisser le desir d'en faire la Iustice : Car bien que comme vn Roy iustement irrité, vous ayez renuersé les remparts de vos villes rebelles, si est-ce pourtant que comme vn pere plain de misericorde, vous avez benigne-ment pardonné aux habitans, monstrant par experience, que comme Iupiter vous sçauiez marier la douceur de Ganimede à la terreur de vos foudres, ainsi que Phœbus la grace des rayons avec la rigueur de vos fleches, & comme la Deesse qui pre- siede aux combats vous couurez vne beauté aymable sous de terribles armes : En telle façon que si les mutins sont en quelque chose endommagez qu'ils en accusent leur crime : Et s'ils sont soula-

gez qu'ils en loient vostre Clemence, & en rendent graces à ceste tant Royale vertu, laquelle fera que d'oresenauant tous les peuples de l'Vniuers redouteront vostre puissance, & aymeront vostre bôté, & ioignās leursvœux aux nostres, nous souhaitterons tous vnanimement que vous soyez plus puissant que Clouis, plus Auguste que Charlemagne, plus Religieux que Robert, aussi iuste que saint Louys, plus sage que Charles cinquieme, & plus Illustre que le Grand & inuincible Henry vostre pere, afin qu'ayant surpassé tous ces Heros en actes genereux, nous puissions vn iour voir vostre Majesté triompher au milieu de Constantinople, apres auoir conquis toute l'Asie, comme elle paroist aujourd'huy triumpante dans Paris, apres auoir redonné son premier lustre à l'Empire François, & remis en son obeysance la plus forte ville du monde.

F I N.



Les Nauires François.

EPIGRAMME.

C'Est assez croupy dans le port,
Allös chercher de nouueaux modes?
Nous ne redoutons plus l'effort
De Neptune, ny de ses ondes,
Nostre Pilote est si sçauant,
Et son Genie si puissant,
Qu'il nous conduira sans naufrage,
Rien ne l'en pourroit empescher,
Puis qu'il peut rompre le rocher,
Et sçait des flots borner la rage.

DE MALLEVAYD.

THE HISTORY OF THE

REIGN OF

CHARLES THE FIRST

BY

JOHN BURNET

OF LINCOLN'S INN

ESQ.

IN TWO VOLUMES

LONDON

Printed by J. Sturges

at the Sign of the Gun

in St. Dunstons Church-yard

1704

Price 1s. 6d.